

GRAD NOVI PAZAR  
SKUPŠTINA GRADA  
Odbornička grupa SDA Sandžaka

Novi Pazar  
20. decembar 2021. godine

ГРАДСКА ОПШТИНА НОВИ ПАЗАР			
ПОСЛОВНИК СКУПШТИНЕ ГРАДА НОВОГ ПАЗАРА			
И-	20. 12. 2021		
1	Spoj	12	20/21

**P R E D S J E D N I K U**  
**SKUPŠTINE GRADA NOVOG PAZARA**

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 109. stav 2. Poslovnika Skupštine grada Novog Pazara („Službeni list grada Novog Pazara“, broj 6/19), predlažemo da se sa predloženog dnevnog reda 6. sjednice Skupštine grada Novog Pazara, zakazane za 20. decembar 2021. godine, **povuče tačka:**

**7. Plan održivog razvoja grada Novog Pazara 2021-2030. godina**

*Образложење:*

- Predložena tačka nije u skladu sa Poslovníkom Skupštine grada, što se, prije svega, odnosi na član 137. i član 138. Tačka nije predložena u formi odluke, bez obrazloženja i bez mišljenja nadležnog radnog tijela (Savjeta za razvoj grada, u ovom slučaju).
- Predloženi dokument, Plan razvoja Grada, nije sačinjen u skladu sa Zakonom o planskom sistemu („Sl. glasnik RS“, br. 30/2018), naročito, član 9. stav 2. Zakona, po kojem bi Plan razvoja trebao sadržati pregled i analizu postojećeg stanja, viziju odnosno željeno stanje, prioritetne ciljeve razvoja koji se žele postići, kao i **pregled i kratak opis odgovarajućih mjera (koji nedostaju)**.
- Predloženi dokument, nije u skladu sa Uredbom o obaveznim elementima plana razvoja autonomne pokrajine i jedinice lokalne samouprave („Sl. glasnik RS“ br. 107/2020), posebno član 3. stav 1. po kojem nedostaje pregled i opis mjera za ostvarivanje prioritetnih ciljeva razvoja; način sprovođenja i način praćenja sprovođenja plana razvoja.



- Na osnovu skupštinske Odluke o organizaciji procesa izrade Plana razvoja Grada Novog Pazara za period od 2021. do 2030. godine („Sl. list Grada Novog Pazara“ br. 3/2021) donijete 25. februara 2021. godine, za izradu Plana potrebno je formirati Radnu grupu, tematske radne grupe i Partnerski forum, za koje nedostaju akti o formiranju. Također, po članu 3. Odluke, očigledan je nedostatak svih faza u izradi dokumenta.
- Napominjemo da Nacrt Plana razvoja nije prošao kroz fazu javne rasprave, u skladu sa gore navedenim aktima, te skupštinskim odlukama Grada. Sprovedena javna rasprava, koja se navodi u dokumentaciji odnosi se isključivo na fazu izrade, ali ne i na konačan dokument koji je predložilo Gradsko vijeće.

Ovlašteni predstavnik odborničke grupe SDA Sandžaka za obrazloženje prijedloga je zamjenik predsjednika odborničke grupe mr. **Emir Aščerić**.

Predsjednik odborničke grupe

Ahmedin Škrijelj

